

Na osnovu člana 22. Poslovnika Skupštine Tuzlanskog kantona – drugi prečišćen tekst („Službene novine Tuzlanskog kantona“ br. 4/12, 3/13, 10/13, 15/13 I 2/14) i člana 21. stav 3. Poslovnika o radu Komisije za privredu, ekonomsku i finansijsku politiku Skupštine Tuzlanskog kantona, Komisija za privredu, ekonomsku i finansijsku politiku održala je sjednicu 2.4.2015. godine, te Skupštini Tuzlanskog kantona, p o d n o s i

IZVJEŠTAJ

1. Komisija za privredu, ekonomsku i finansijsku politiku Skupštine Tuzlanskog kantona je razmatrala Izvještaj o izvršenoj reviziji finansijskih izvještaja Budžeta za 2013. godinu.

Komisija prihvata Program mjera za otklanjanje propusta i nepravilnosti u finansijskim izvještajima Budžeta TK za 2013. godinu konstatovanih od strane Ureda za reviziju institucija FBiH, i isti upućuje Skupštini Tuzlanskog kantona.

2. Komisija za privredu, ekonomsku i finansijsku politiku Skupštine Tuzlanskog kantona je razmatrala Izvještaj o radu Kantonalne uprave za inspeksijske poslove za period 01.01. – 31.12.2014. godine, i isti prihvata i upućuje Skupštini Tuzlanskog kantona uz sljedeće zaključke:

a) Komisija smatra da bi u cilju sprečavanja „sive ekonomije“ i „rada na crno“ trebalo razmotriti mogućnost izmjena zakonskih propisa kako bi propisala mogućnost pušalnog plaćanja poreza na dohodak i stvorili uslovi da veći broj osoba bude u sistemu plaćanja poreza.

b) Komisija je zaključila da treba ojačati koordinaciju rada kantonalnih institucija radi postizanja boljih efekata u provođenju mjera inspeksijskog nadzor, a naročito poboljšati saradnju inspeksijskih i sudskih organa.

c) Komisija traži da u narednom periodu Kantonalna uprava za inspeksijske poslove dostavi sažetije izvještaje poslanicima Skupštine Tuzlanskog kantona, sa konkretnim prijedlozima za otklanjanje nedostataka koje postupajući u okviru svojih nadležnosti uoče inspekcije, a koje bi mogla kroz izmjene propisa otkloniti Skupština Tuzlanskog kantona.

d) Komisija sugeriše Kantonalnoj upravi za inspeksijske poslove da u vezi problema uočenih u zakonskoj regulativi inicijative za postupanje dostave Skupštini Tuzlanskog kantona, kako bi ista pokrenula aktivnosti na izmjenama zakona koji su u kantonalnoj nadležnosti i podržala inicijative upućene za izmjene propisa koji su u federalnoj nadležnosti.

3. Komisija za privredu, ekonomsku i finansijsku politiku Skupštine Tuzlanskog kantona je razmatrala Izvještaj o radu Kantonalne agencije za privatizaciju za period 01.01. – 31.12.2014. godine, i isti prihvata i upućuje Skupštini Tuzlanskog kantona, uz sugestiju da Kantonalna agencija za privatizaciju bude aktivan sudionik u rješavanju aktuelnih privrednih problema u Tuzlanskom kantonu.

4. Komisija za privredu, ekonomsku i finansijsku politiku Skupštine Tuzlanskog kantona je razmatrala Izvještaj o radu Kantonalne uprave civilne zaštite u 2014. godini, i isti prihvata i upućuje Skupštini Tuzlanskog kantona.

Bosna i Hercegovina
-Federacija Bosne i Hercegovine-
TUZLANSKI KANTON
SKUPŠTINA
- Komisija za privredu,
ekonomsku i finansijsku politiku-
Broj: 02-02-217-2/15
Tuzla, 2.4.2015.godine.

